




Rabu, 26 Mei 2021

Ogen: Kejadin 29:20



Lit Pengarapan



Tidak ada waktu untuk mengeluh, tetaplh sabar, ikhlas, dan lanjutkan hidup dengan semangat.

Enda kata motivasi man banta gelah tetap erpengarapen. Adi kin mobil ndai, pengarapen e desken mesin penggerak, si erbahansa mobil e banci erdalin. Adi ceda mesin tentu mobil e pe la banci erdalin entah mogok. Pengarapen eme kunci semangat ndalani kegeluhen. I bas pengarapen e enggo lit je kesabaren, megenggeng, tutus, ras bersih ukur (iklas). Si idah tokoh Jakub tupung ia erdahin i rumah mamana Laban. Enggo lit perjanjin maka Jakub erdahin ras mamana alu la ngaloken upah, tapi kenca seh paksa 7 tahun erjabu ia ras Rahel, anak mamana si nguda. Meriah kal ukur Laban megi pemindon Jakub e. Emaka ibereken mamana kesempatan erdahin man Jakub 7 tahun dekahna. I bas ndalani si 7 tahun e desken piga-piga wari ngenca akap Jakup. Ugapa pe lit nge perbeben si man alankenna, sebab ia ermakan, musuh biri-biri e pe mbue, lenga ka i bas meresa man, ngerawat si sakit, lenga ka cuaca si ekstrim i kerangen, kerah lau maler, arus ndarami sumur si mbages muati lau guna inemen biri-biri e kerina. Sie kerina ibentasina alu meriah ukur, la gejpna latih erdahin, la lit meduna, ergiah-giah ukurna, engkai maka bage? Lit pengarapenna, banci pagi erjabu ras si atena ngena. Waktu si pitu tahun e la jadi persoalen man bana.

Pengarapen erbahansa turah semangat lako erdahin, ras ndalani kegeluhen, kune gia lit jadi la bagi ukur, la murah kelsehen (tidak ada kata mengeluh). Si tulihken ku situasinta paksa enda si serba berubah, ras instan tambah ka lit covid si ngasup ngubah orat geluhta. Enggo pasti melala persoalen ras perbeben si man alanken. Pengarapen eme kunci maka lit denga si mehuli si ate Tuhan iberekenNa man banta. Nina Tuhan, rancangan dame sejahtera nge si ku bereken man bandu.